



## Cynllun Grant Mannau Addoli Rhestredig

“Mae hon yn fenter hael a gobeithiaf y bydd manau addoli ledled y DU yn ei defnyddio yn y cyfnod interim hwn tra bydd y Llywodraeth yn pwyso am newidiadau yn y drefn TAW ym Mrwsel.”

**Richard Chartres**

Esgob Llundain a Chadeirydd Church Heritage Forum



listed places  
of worship  
grant scheme

# Beth yw'r cynllun?

Yng Nghyllideb mis Mawrth 2001, cyhoeddodd Canghellor y Trysorlys ei fod yn mynd i gyflwyno cynllun grant interim a fyddai'n dychwelyd trwy gymorth grant y gwahaniaeth rhwng 5% a'r swm gwirioneddol a wariwyd ar TAW ar atgyweiriadau a gwaith cynnal a chadw cymwys i fannau addoli rhestredig.

Amcan hir dymor yr Llywodraeth yw sicrhau cyfradd TAW is barhaol ar gyfer yr atgyweiriadau hyn. Ar hyn o bryd, mae cytundebau ffurfiol Ewrop ar TAW yn atal y Llywodraeth rhag gwneud hyn. Mae'r Comisiwn Ewropeaidd wedi nodi y bydd yn adolygu'i gyfraddau TAW is yn 2003, a bydd y cynllun yn parhau nes cwblhau'r adolygiad hwn. Rhagwelir y gallai hyn gymryd hyd at 12 mis arall ar ôl y terfyn amser gwreiddiol a bennwyd, sef mis Mawrth 2003.

## Pwy sy'n gymwys i fanteisio ar y cynllun?

Mae'r cynllun grant yn berthnasol i bob man addoli rhestredig o bob crefydd ledled y DU. Fodd bynnag, dylai'r adeiladau gael eu defnyddio'n bennaf fel mannau addoli, a rhaid eu defnyddio ar gyfer addoli o leiaf 6 gwaith y flwyddyn.

Mae'r cynllun yn cynnwys gwaith a wnaethpwyd ar 1 Ebrill 2001, neu wedi hynny. Mae gwaith cymwys yn golygu unrhyw waith sy'n cynnwys atgyweirio neu gynnal a chadw adeiledd yr adeilad (nid yw gwaith ar osodiadau a ffitiadau, a ffioedd proffesiynol, yn gymwys) sy'n cael ei wneud gan gontractiwr TAW cofrestredig. Dim ond ôl-geisiadau y gellir eu gwneud, ond anrhydeddir pob cais dilys a wneir yn ystod cyfnod y cynllun.


Am arweiniad pellach a'r wybodaeth ddiweddaraf am waith y mae'r cynllun yn ei gynnwys, neu waith nad yw'r cynllun yn ei gynnwys, cysylltwch â gweinyddwyr y cynllun (gweler y dudalen gefn am fanylion cysylltu).

**Mae'r canlynol yn enghreifftiau o fannau addoli sydd wedi elwa o'r cynllun er Ebrill 2001.**

**Eglwys St Margaret, Stratton Strawless, Swydd Norfolk**

Cychwynnodd gwaith ar eglwys hanesyddol St Margaret ym mis Hydref 2001, ac fe'i cwblhawyd yn y Pasg 2002. Ail-bwyntiwyd y tŷ, ac atgyweiriwyd ei blwm hynafol sydd â graffiti o'r ail ganrif ar bymtheg drosto i gyd. Yn sgil y cyhoeddusrwydd lleol dilynol, ymwelodd nifer anghyffredin o uchel â'r eglwys yn haf 2002, a gwnaeth ansawdd y gwaith gryn argraff arnynt, yn ogystal â harddwch a distawrwydd y tu mewn.

**Mae Eglwys St Margaret wedi elwa o grant o dros £10,000.**



## Abaty Fearn, Hill of Fearn, Ross-shire, Yr Alban

Sefydlwyd Abaty Fearn ym 1227 yn wreiddiol, a symudodd i'w safle presennol oddeutu 1246. Tarodd mellten yr adeilad ym 1742 yn ystod gwasanaeth. Dymchwelodd y to llechfeini gan ladd 38 o bobl. Cynhaliodd y gweinidog cynorthwyol lintel drws y dwyrain gan roi cyfle i lawer o bobl eraill ddianc.

Roedd prosiect atgyweirio'r Abaty'n ddiweddar yr Abaty yn cynnwys to a landeri newydd, gwaith ail-bwyntio helaeth ar y cerrig a'r eiliau claddu y tu allan, gwaith atgyweirio ar rai ffenestri ac atgyweirio rhywfaint o'r llawr y tu mewn.

**Mae Abaty Fearn wedi elwa o grant o dros £24,000.**



## Eglwys San Pedr, Blaenafon, Torfaen

Mae Eglwys San Pedr, a adeiladwyd yn gynnar yn y bedwaredd ganrif ar bymtheg gan y meistri haearn, wedi cael ei hatgyweirio'n helaeth. Mae'r adeilad cyfan wedi ei ail-bwyntio, mae'r tŷ wedi'i wneud yn ddiogel, a rhoddwyd to newydd arno. Mae fframiau haearn bwrw wedi'u hailosod yn y ffenestri yn ôl y cynllun gwreiddiol, a gosodwyd ffenestri newydd â gwydr mwy priodol, gan wella golwg yr adeilad yn fawr iawn.

**Mae Eglwys San Pedr wedi elwa o grant o bron i £30,000.**



# Cynlluniau eraill

Yn ogystal â'r Cynllun Grant Mannau Addoli Rhestredig, mae yna gynlluniau eraill sy'n cael nawdd cyhoeddus ac a all helpu gyda chost atgyweirio manau addoli rhestredig yn y DU.

**Cymru:** Gall Cadw gynnig grantiau ar gyfer atgyweiriadau i fannau addoli o ddiddordeb pensaernïol neu hanesyddol eithriadol. Am fanylion pellach cysylltwch â:

Cadw  
Parc Cathays  
Caerdydd  
Cymru  
Ffôn: 029 2050 0200  
Ebost: cadw@wales.gsi.gov.uk

**Lloegr:** Grantiau Atgyweirio ar gyfer Mannau Addoli yn Lloegr 2002 i 2005. Mae'r cynllun hwn yn cael ei redeg ar y cyd gan English Heritage a Chronfa Dreftadaeth y Loteri. Mae manylion pellach ar gael yn [www.english-heritage.org.uk](http://www.english-heritage.org.uk) neu drwy ffonio 0870 333 1181.

**Yr Alban:** Grantiau Atgyweirio ar gyfer Mannau Addoli yn yr Alban 2002 i 2005. Mae'r cynllun hwn yn cael ei redeg gan Historic Scotland a Chronfa Dreftadaeth y Loteri. Am fanylion pellach cysylltwch â:

Historic Scotland  
Longmore House  
Salisbury Place  
Caeredin EH9 1SH  
Ffôn: 0131 668 8801

**Gogledd Iwerddon:** Cymorth Grant Adeiladau Hanesyddol ar gyfer Adeiladau Eglwysig. Am fanylion pellach cysylltwch ag:

Environment and Heritage Service  
Historic Buildings Unit  
5-33 Hill Street  
Belfast BT1 2LA  
Ffôn: 02890 543064  
Ebost: sandra.neill@doeni.gov.uk

